

关于元旦节的诗句

1.
年从爆火暗中移，椒柏迎欢上酒卮。今日天晴宜麦熟，明朝春到报花知。
好奇漫说鸡千跖，行乐都来黍一炊。但得新年诗有料，不妨贫以去年时。
——王迈《元旦次日立春》

2.
抉目是何年，归耕恐未然。旧游同偃蹇，吾道倚狂颠。忆汝孤罨坐，传声寒雁先。
老人星出海，垂照和歌筵。——陈三立《尧衢写寄元旦之作依韵和酬》

3.
缠天兵气惨难春，日历无端判故新。稍慰哀情闻吉语，强开恶抱答佳辰。
才名薄俗宜遭贱，世味贫家最识真。不肯教闲书胜笔，偶拈题句已如神。
——钱钟书《甲申元旦》

4.
熙朝政化谨三元，有事郊南典礼全。嗣圣万年初见帝，小臣十起夜瞻天。
想回玉辂红云晓，更揭金鸡暖雨前。但愿庆成天下福，赋诗岂必从甘泉。
——陈杰《元旦南郊庆成》

5.
六载虚劳供奉恩，白头吾亦两朝臣。闾阎击壤今弘治，简册编年又戊申。
日色小薰秣李昼，风光欲醉乳莺春。庐冈此景谁分付，也到江门不属人。
——陈宪章《元旦试笔（二首）》

6.
寂寞盆花也自开，移根犹忆手亲栽。云昏雾湿春仍好，金蹶元兴梦未回。
乞米至今馀断帖，埋名从古是奇才。劫灰满眼堪愁绝，坐守寒灰更可

哀。——陈寅恪《壬午元旦对盆花感赋》

7.
今日椒花颂，无能献老亲。自怜垂白发，不敢着乌巾。牢落田园兴，微茫海国春。话言儿女辈，清苦莫辞贫。——王冕《丙申元旦守母制因感而作》

8.
青帝初传令，山河万象新。圣恩宽似海，世态乐同春。拜阙难辞老，居官岂为贫。京华望不远，感激切微臣。——史弥忠《元旦望阙叩头而作》

9.
正月烧灯夜，封川转觉幽。十分凭月色，数点照城头。俗习那知陋，安陵谅不愁。家家松火畔，舂米未曾休。——郑刚中《元旦二首》

10.
不嫌朱户有蒿蓬，且喜阳和转谷中。人语半空山殿晓，佛香匝地洞门风。酒随天意留青缥，诗与春光斗碧红。况值朋来好乘兴，肯因灊滑限西东。——程嘉燧《己卯元旦和牧翁韵》

11.
天上风云庆会时，庙谟争遣草茅知。邻墙旋打娱宾酒，稚子齐歌乐岁诗。老去又逢新岁月，春来更有好花枝。晚风何处江楼笛，吹到东溟月上时。——陈宪章《元旦试笔（二首）》

12.
亿万饥民久籲天，天开上瑞岂徒然。深潭龟拆寒莎底，浅土蝗遗宿麦边。厉气已消除日后，祥霭飞堕晓风前。醉吟楼上瀛洲客，为记三登第一年。——刘宰《和罗權丞尊经阁元旦观雪》

13.
淡日泊在扶桑边，四山浮云来蔽天。本是阳和变杀气，发出燥土如云烟。吾皇神圣来赫怒，诸公饱饭日晏然。去年五月南海翻，九月三边烽火

连。旅人潦倒衰暮年，有怀明主徒拳拳。袖中常怀书一编，不得上陈徒自怜。有时问天天不语，仰天大笑龙楼前。不如回去长安市上酒家眠，明日收拾东归理钓船。——王佐《己丑元旦过承天门作是日大风》

14.

闽中风景丽，元旦百花开。有岸皆紫草，无波不染苔。树光摇粉堞，云彩照金罍。浓黛新年点，春衣隔岁裁。夜垆藏宿火，晓烛剪残灰。袖里分余蕙，钗边冱落梅。松枝当户插，椒气拂窗来。正好随欢笑，那知客思催。——吴兆《元旦书事（甲辰）》

15.

倍还春色渺无凭，乱里偏惊易岁勤。一世老添非我独，百端忧集有谁分。焦芽心境参摩诘，枯树生机感仲文。豪气聊留供自暖，吴箫燕筑断知闻。——钱钟书《乙酉元旦》

16.

云物当楼俨列陈，微阳在水映杯新。久同穷鸟依寒木，休问群魔塞要津。氛祲不开迷故国，斧斤所赦托遗民。只成阅世加餐饭，痴抱犹期岳降申。——陈三立《次和倦知丙寅元旦作》

17.

花枝含笑画犹存，偕老浑忘岁月奔。红烛高烧人并照，绿云低覆镜回温。新妆几换孤山面，浅笔终留倩女魂。珍重玳梁香雪影，他生同认旧巢痕。——陈寅恪《甲午元旦题曾农髯丈所画齐眉绶福红梅图》

18.

节启青阳岁籥新，金人十二画为神。韶华自合留天府，御气谁期洽近臣。彩胜仍分仙禁缕，云屏况借汉宫春。却怜寂寞扬雄宅，门巷恩光接紫宸。——于慎行《元旦赐门神挂屏葫芦等物岁以为常》

19.

云封高岫护将军，霆击寒春灭下民。到底不如租界好，打牌声里又新春。——鲁迅《二十二年元旦》

20.

共庆新年笑语哗，红岩士女赠梅花。举杯互敬屠苏酒，散席分尝胜利茶。只有精忠能报国，更无乐土可为家。陪都歌舞迎佳节，遥祝延安景物华。——董必武《元旦口占用柳亚子怀人韵》

21.

使者双瓶至，蓬门向晚开。停肩慰泥滑，解冱省香来。染指怜佳味，挑灯引细杯。明朝携小榼，江上候新梅。——沈周《元旦后一日刘德仪送酒（成化戊戌）》

22.

钟鼓高城送腊徂，云霞曙色上桃符。日随岁月开三始，春与莺花到五湖。借宅南山非捷径，对人故态是狂奴。依然旧识东风面，柳眼青青向酒垆。——居节《壬午元旦》

23.

天上寒星敛曙钟，海隅佳气溢晴空。东华涌出瞳眈日，南极吹来长养风。丹凤历端观夏正，瑶华枝上见春工。体元天子调元相，管领民归玉烛中。——张泰《元旦》

24.

牢落临溪宅，蹉跎抱古心。老惊残岁改，醉恋远钟沉。雁鹜穿霄避，豺狼拥窟深。犹期烽燧外，钟岭引孤吟。——陈三立《尧衢写寄元旦之作依韵和酬》

25.

数我初生岁，今为第二年。光阴六十过，行辈几人全。试把新诗写，闲将好梦圆。儿孙扶出拜，苏酒让渠先。——舒岳祥《庚辰元旦试笔》

26.

洪钧一转岁开端，草木群生亦喜欢。安得明年此时节，江东重睹旧衣冠。——谢枋得《元旦阻雨二首》

27.

城阙春潜雪尽融，谁家花胜出王宫。更寒缓下葳蕤锁，元旦催传进乐工。
——程可中《除夕太原府四首》

本文链接：<https://duanjuziku.com/duanjuzi/0j1d43wgea.html>